

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o prihvatanju cijene ponuđača, broj: 05.12.100-1590-Odluka izboru ponuđača/19 od dana 21.05.2019. godine, zaključuju slijedeće:

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa prof.dr. med. sci. Aida Pilav, direktor (u daljem tekstu: Ugovorni organ)

i  
„**MEDA**” **d.o.o. Sarajevo, ul. Antuna Hangija 6**, identifikacioni broj: 4200104360002, koga zastupa direktor: Mirza Velagić , (u daljem tekstu: Izvršilac), zaključili su:

## **UGOVOR ZA NABAVKU USLUGE POPRAVKE I PUŠTANJE U RAD GASNOG HROMATOGRAFA**

### **Član 1.**

Ovim Ugovorom se utvrđuje način i uslovi pod kojima „**MEDA**” **d.o.o. Sarajevo**, izvršiti uslugu popravke i puštanje u rad gasnog hromatografa.

### **Član 2.**

Predmet ovog Ugovora je usluga popravke i puštanje u rad gasnog hromatografa - za potrebe Ugovornog organa (u daljem tekstu: usluge) a u skladu sa ponudom broj: P19-090 koja je sastavni dio ovog Ugovora.

### **Član 3.**

Izvršilac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će odrediti stručna lica koja će rukovoditi izvršenjem usluge kao i stručna lica koja će izvršiti obuku osoblja Ugovornog organa za rad na gasnom hromatografu;
- da će Ugovornom organu omogućiti nadzor nad vršenjem usluge, te da će na njegov zahtjev obustaviti usluge ukoliko se utvrdi da se ista izvodi nekvalitetno i mimo tehničke dokumentacije;
- da će snositi odgovornost za štetu u toku izvršenja ugovora nastalu radnicima Ugovornog organa ili trećim licima,
- da će posebno obrati pažnju da prilikom izvršenja usluge, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;
- da će u najkraćem roku otkloniti eventualne nedostatke koji mu budu predočeni prilikom primopredaje izvršene usluge iz člana 1. ovog Ugovora od strane ovlaštenog lica Ugovornog organa.

### **Član 4.**

Ugovorni organ se obavezuje:

- da će izvršiti uplatu ukupne cijene vrijednosti ugovorene roba iz člana 5. ovog Ugovora;
- da će pismeno obavijestiti Izvršioca o svakom eventualnom propustu Izvršioca u odnosu na pitanja utvrđena ovim Ugovorom.

#### Član 5.

Ukupna vrijednost ugovorne usluge definisane u članu 1. ovog Ugovora iznosi: 4.679,57 KM. U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Ugovorni organ se obvezuje da će ukupni iznos iz stava 1. ovog člana isplatiti na račun Izvršioca. Ugovorne strane su saglasne da će Ugovorni organ ukupnu vrijednost iz stav 1. ovog člana Ugovora isplatiti nakon izvršene ugovorene obaveze a u roku od 30 dana od dana ispostavljanja fakture.

#### Član 6.

Garantni rok za izvršenu uslugu iznosi 6 mjeseci. Garantni rok teče od dana izvršenja usluge iz člana 2 ovog Ugovora. Tokom garantnog roka Izvršilac se obavezuje da će pružiti Naručiocu svu potrebnu tehničku i profesionalnu pomoć.

#### Član 7.

Izvršilac se obavezuje da usluge iz člana 2. ovog Ugovora izvrši u roku 48 h od momenta prijema narudžbenice.

#### Član 8.

Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 30 dana od dana prijema pismenog Obavještenja o otkazu Ugovora

#### Član 9.

Svaka promjena ugovornih odredbi povlači za sobom sačinjavanje posebnog Anexa ugovora. Do potpisivanja Anexa Ugovora obustavlja se izvršenje ugovornih obaveza.

#### Član 10.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

#### Član 11.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

#### Član 12.

Ovaj Ugovor se smatra zaključenim danom potpisivanja Ugovornih strana, a primjenjuje se do izvršenja ugovorenih obaveza ili do isteka otkaznog roka iz člana 8. ovog Ugovora.

„MEDA” d.o.o.  
SARAJEVO

DIREKTOR

(Mirza Velagić)

Broj: 010/219

Sarajevo, 28.05. .2019. godine



J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA

(Prof.dr.med.sci. Aida Pilav)

Broj: 05.14.101 -3384-Ugovor/19

Sarajevo, 24.05.2019 . godine.

